



**De Soliditate Virtutis In Religioso Societatis Jesu requisita
Considerationes R. P. Gasparis Druzbicki, Societatis Jesu**

Družbicki, Kaspar

Coloniæ, 1721

Consid. 3. Cur virtutum solidarum studium S. Pater Ignatius & Societas à
nobis exigat?

[urn:nbn:de:hbz:466:1-60934](#)

tum esse, periculis expositum esse, facilius multò malum, quām bonum esse, facilius & sāpius peccare, quām actus bonos facere; ac proinde vitia, non virtutes habere. Virtus enim est dispositio perfecti ad optimum; id est, habitus bene operandi, facilitas bene agendi, difficultas & desuetudo malos actus eliciendi: quā facilitate bene agendi fit, ut bonum libenter, frequenter, assiduè, con-naturaliter agamus, malum autem ægrè, difficulter, raro, ferè nunquam committamus, sīcque boni efficiamur, mali esse dediscamus & nesciamus, sīcque virtute male uti non possimus, sed eam con-naturalem nobis efficiamus. Hoc an ita sit, & praticè sit, agnoscamus, quotquot studium virtutis profitemur; & ad solidam perfectamque virtutem omnino enitamur, neque contenti simus imperfetta virtute, sicut forsitan hactenus fuimus.

CONSIDERATIO III.

*Cur virtutum solidarum studium S.P.
Ignatius & Societas à nobis exigat.*



Ausa prima est Deus, idque variis modis. Primò. Quia Deus dixit, *Ambula coram me, & esto perfectus*, Gen. 17. 1. id est, homo servias mihi, & sis perfectus, utique in Virtutibus, quia per has Deo servimus. Huic consonat monitum illud Christi Domini.

Estote

de soliditate Virtutis.

II

*E*stote perfecti, sicut & Pater vester cœlestis perfectus est. Matt. §. 46. Constat vero, Deum esse solidam & perfectam Bonitatem; & nos igitur oportet esse solidè & perfectè bonos, bonitate vero Virtutum, quia hæ sunt, quibus boni reddimur. Secundò. Deus dignus est, ut simus perfecti & solidi in virtute. Ut ergo nulla alia subsit causa, mihi hæc, hæc sufficere deberet ingenuo animo. Tertiò. Placitum & voluntas Dei: placet namque Deo, & est gustabile gustui ejus, si simus solidè & perfectè boni: hæc est enim voluntas Dei sanctificatione vestra, ait Apostolus. Et quis, quæso est talis, qui nolit Deo ad gustum & ad placitum servire? Quartò. Honor & gloria Dei, quam habet Deus ex nostra solida & perfecta virtute, & ex effectibus ex ea in nos, & per nos in proximos promanantibus: in hunc enim finem Deus, & hominem condidit, & gratiis ornavit, & ad finem supernaturalem elevavit, & ad Religiosum statum vocavit, & ad professionem solidæ Virtutis invitavit, ut ex homine glorificetur magis ac magis, perfectionesque suas manifestet, & bonitates communicit, & sic iterum magis glorificetur, & gloriosus appareat. Et quis invidebit hanc consolationem Deo? (ut sic loquar) ut nolit gaudere Deum de sua per nos, & in nobis exaltatione? ut Deus per nos magis glorificetur & occasione nostrâ. Quod sit, quando solidè proficimus; quando ditissimi in virtute, in gratiis, in donis cœlestibus evadimus; quando ad copiosissima merita ascendimus; quando quam maximam gloriam cœlestem comparamus



mus & meremur. Sicut enim nullo in puncto plus homo Deum exaltabit, quam quando beatitudinem aeternam possidebit ; ita nullo in puncto & modo plus eundem etiam in hac vita exaltat , quam quando ita in virtute proficit , ut ad quam maximam gloriam evehatur a Deo, atque ad quam perfectissimam fruitionem pertingat Dei , non quia ad hanc pertingere sit bonum homini ipsi , sed quia gloriosum Deo, & quia Deus non potest se se amplius glorificare in homine, quam per hanc fruitionem sui ab illo. Atque ita quanto haec erit fruitio major, tanto Dei exaltatio in homine amplior. Qui ergo se ad hanc fruitionem quanto majorem disponit, is tanto majorem Deo gloriam conquirit; disponit vero soliditate virtutis , atque ita quanto solidiores esse in virtute curamus, tanto magis Deum glorificamus. Et quem haec non moverent? haec moverunt Sanctum Patriarcham nostrum, haec moverunt etiam Societatem nostram, haec & nos movere debent, saltem abhinc, si adhuc non moverunt , ut in solidarum & perfectarum virtutum studium incumbamus.

Secunda causa est Christi exemplum, doctrina, merita, dignitas, voluntas. Quae omnia ut in JESU Christo solidissimam fuisse virtutem docent, ita in Christianis, in Religiosis, in JESU Sociis, non nisi etiam solidissimarum virtutum studium exigunt. Expende doctrinas & exempla Christi, & merita, & dignitatem; videbis nihil in eis non summè solidum : qualis igitur tu imitator & Socius JESU eris, nisi solidus in virtutibus esse studueris? Quod si ex-

Si expendas, quām Christus id velit, ut nempe proficiamus; quām sanguineis id Votis & quām multis id poscat; quis tam ferreus, qui in hoc Christi gratificari nolit voluntati, sanguini, morti? Sit ferreus, quisquis esse vult, JESU Socius esse quī poterit? poteritne JESU Socius illam vocem surdus audire? *Si diligitis me, mandata mea servate.* Joan. 14. 13. Et quid commemorem hic Christi gloriam, quam habet, dum solidē nos proficimus? *Gaudium Domini fortitudo nostra.* 2. Esdræ 5. 10. Etiāmne Christus non meruit, ut hoc illi gaudium gloriāmque non invideremus? Sanctus itaqne Pater, & Societas, quia nos JESU Socios esse cupit, ideo nobis solidarum & perfectarum Virtutum studium præcipit.

Tertia causa, pretiosissimæ Parentis vita, mors, exempla, gloria: item Sanctorum omnium, item Sanctorum nostræ Societatis. In quorum omnibus moribus, nihil nisi virtutes solidæ apparuerunt. Quorum ergo tu Sanctorum istorum imitator, & socius, & frater, & cliens eris, si in virtute solidus non fueris? quomodo tu illos glorificabis, qui gloriam illorum tuis imperfectis virtutibus, ac moribus deteris? S. P. Ignatius, & Societas nos Sanctorum æmulos, & gloriæ illorum propagatores per morum & virtutum expressionem cupit; ideo nobis studium solidarum virtutum, quales Sanctorum fuerunt, inculcat.

Quarta causa, Ecclesiæ & Societatis JESU natura, indoles, vota, indigentia, finis atque vocatio. quæ omnia solidam & perfectam requirunt Virtutem

tem in nobis Filiis Ecclesiæ & Societatis. Ecclesia est fundata super firmam petram Christum : Societas quoque super eundem. Quidquid in Ecclesia est in Societate à Deo ordinatum , totum solidum est, totum perfectum : vana, arundinea , futilia, futilia, inflata , non admittit Ecclesia & Societas : exigit vasa auri solidi , exigit vasa electionis , exigit opera plena coram Deo, exigit aurum, argentum, lapides pretiosos. Neminem vult , qui inveniatur minus habens, cuius opus ardeat, cuius domus super arenam sit, qui sit arundo vento agitata . , qui sit palea igni inextinguibili comburenda , qui pascat ventos, qui sequatur aves volantes, qui sit tanquam æs sonans, & tympanum tinniens, 1. Cor. 13. 1. Tales non vult Ecclesia , non vult Societas, adeo nos vult in virtutum solidarum studium incumbere. Et quis hæc Ecclesiæ, quis Societati invideat ? Invidet, quisquis, virtutum specie contentus, virtutes ipsas non curat. An tu ex horum numero sis, vide.

Quinta causa nostrum nihilum , nostra vanitas, inconstantia, fragilitas , ad malum perpetua pronitas, quæ semper nos in præceps, in superbiam , in ruinam, & exitium trahit, nisi soliditate virtutum, & perpetuo cum gratia Dei labore, jugique cooptatione nosmetipos stabiliamus, & solidemus , Satagamusque per bona opera certam facere vocacionem nostram, & in vacuum gratiam Dei non accipere. 1. Pet. 1. & 10. 2. Cor. 6. 1. Metire, ô studiose virtutum, abyssos nihili tui; & conjice, quantâ soliditate perfectionis & bonitatis, illas expleturus sis:

sis: pondera, quanto pondere tendas ad ima, & infra ipsa inferna; & collige , quām ponderosa solidaque opus habeas virtutum perfectione , ut illud pestilens pondus tuum ad ruinam allevies , atque subleves, & ad superna cœlestiaque attollas. Credere mihi homo, si id bene expendis, levicula virtute non esse tibi opus, nec qualemqualem perfectionem tibi sufficere, facile concludes. Si solidissimæ quandoque virtutes vacillant & cœlorum virtutes moventur , tuæ imperfectæ perfectiones non corrulent? Hoc igitur cavens & curans Societas, solidarum virtutum studium, omnibus perpetuò, perpetuumque commendat. Meritò id faciat ? obaudire tu debeas? dispice, & tandem te seriò respice. Nulli magis incumbit, te solidè perfectum esse, quām tibi; quia si fueris, hoc nulli magis proderit, quām tibi; si non fueris, hoc nulli magis , nullique alteri oberit, præterquam tibi, ideo attende tibi.

D I E S II.

Quæ requirantur in virtute , ut sit solida.
1. Intentio pura seu caritas. 2. Humilitas. 3. Universalitas.

C O N S I D E R A T I O IV.

Ad solidam Virtutem requiritur Intentio-
nis seu Caritatis in Deum puritas.

Solidum dicitur illud, quod est spissum, & in quo nihil est vacuum, nihil permistum, nihil inflatum. Uter inflatus, arundo, & his si-

B

lia